



FEDERATA E FUTBOLLIT E KOSOVËS

PROPOZICIONET E GARAVE TË SUPERLIGËS U-21

Edicioni 2023/2024

Botimi, 2023

PËRMBAJTJA

I.	Dispozitat e Përgjithshme.....	1
II.	Formati i Garës.....	9
III.	Kalendari i Garës.....	12
IV.	Organizimi i Ndeshjeve.....	14
V.	Procedurat e Ndeshjeve.....	14
VI.	Regjistrimi i Lojtarëve dhe zyrtarëve.....	17
VII.	Çështjet Disiplinore.....	19
VIII.	Fanelat e Lojës.....	21
IX.	Çështjet Financiare.....	23
X.	Shfrytëzimi i të Drejtave Tregtare.....	23
XI.	Marrëdhëniet me Mediat.....	27
XII.	Dispozitat Përfundimtare.....	28

Komiteti Ekzekutiv i Federatës së Futbollit të Kosovës miratoi plotësimet dhe ndryshimet bazuar në Nenin 2, pika c), g) dhe m), Nenin 41, pika c) dhe n), Nenin 49, Nenin 77 të Statutit të Federatës së Futbollit të Kosovës, të miratuar më 27.01.2023, dhe në mbledhjen e vet të mbajtur më 04 korrik 2023, aprovon:

PROPOCIZIONET E GARAVE

TË SUPERLIGËS U 21

I. DISPOZITA TË PËRGJITHSHME

Neni 1 – Qëllimi i Aplikimit

- 1.1 Kjo rregullore parashikon të drejtat, detyrimet dhe përgjegjësitë e të gjitha palëve që marrin pjesë dhe janë të përfshira në përgatitjen dhe pjesëmarrjen në veprimtarinë futbollistike të Superliga U-21.

Neni 2- Përkufizime

- 2.1 Për qëllimet e kësaj rregulloreje, vlejné përkufizimet e mëposhtme:
- a. **FFK:** Federata e Futbollit të Kosovës;
 - b. **KE:** Komiteti Ekzekutiv i FFK-së;
 - c. **Stadium:** është stadiumi i licencuar për tu zhvilluar ndeshjet e Superligës U-21;
 - d. **Përpara ndeshjes:** është koha ndërmjet mbërritjes së ekipeve në stadium dhe nisjes së lojës;

- e. **Pas ndeshjes:** është koha ndërmjet fishkëllimës finale të gjyqtarit dhe largimit të ekipeve nga stadiumi;
- f. **Ndeshje zyrtare:** ndeshje futbollit e organizuar nën mbikëqyrjen e FFK-së, rezultati i së cilës është i vlefshëm për garat e organizuara nga FFK;
- g. **Ndeshje miqësore:** është ajo ndeshje e organizuar nga FFK, ndonjë klub apo person midis ekipeve të ndryshme të përzgjedhura në mënyrë të rastësishme, dhe rezultati ka efekt vetëm për këtë ndeshje apo turne;
- h. **Edicion futbollistik:** është periudha që fillon më datë 1 korrik, dhe përfundon më datë 30 qershor të vitit të ardhshëm;
- i. **Zyrtar:** çdo person, me përjashtim të lojtarëve, që kryen një

detyrë për llogari të një klubi pjesëmarrës në garë apo të FFK-së;

- j. Rregulloret e FFK:** ligjet e lojës së IFAB, statuti, rregulloret, udhëzimet, urdhrat e nxjerra nga FFK të detyrueshme për t'u zbatuar nga pjesëmarrësit në garë.
- k. Të drejta tregtare:** çdo e drejtë tregtare dhe mundësi që lidhen me kompeticionin përfshirë të drejtat e medias, marketingut dhe të drejtat e lidhura me statistikat;
- l. Të drejtat e statistikave:** e drejta për të përpiluar dhe shfrytëzuar statistikat dhe të dhëna të tjera që lidhen me kompeticionin;
- m. Doping:** shkelja e një ose më shumë prej rregullave të përcaktuara të rregullave antidoping të parashikuara në Rregulloren e Anti-Dopingit të UEFA-s;
- n. Klubi vendas:** klubi në fushën e të cilit zhvillohet një ndeshje e kësaj gare;
- o. Të drejtat e marketingut:** e drejta për të reklamuar, promovuar, miratuar dhe tregtuar garën; për të zhvilluar aktivitete të marrëdhënieve me publikun në lidhje me garën; dhe të shfrytëzimi i të gjitha reklamave, sponsorizimeve, hotelerisë dhe liçensimeve, tregtimin, botimin, lojërat, shitjen me pakicë, muzikë dhe ekskluzivitet mundësitë dhe të gjitha të drejtat e tjera tregtare që lidhen me garën;
- p. Të drejtat e mediave:** e drejta për të krijuar, shpërndarë dhe transmetuar në një linear dhe/ose kundrejt kërkesës kudo në botë me çdo mënyrë dhe në të gjitha mënyrat, në cilindo dhe të gjitha mediat, pavarësisht nëse dihen tani ose krijohen në të ardhmen (përfshirë të gjitha format e televizionit, radio, celular, wireless dhe shpërndarja e internetit), mbulimi dixhital, audiovizual, vizual dhe / ose audio i konkurrencën dhe të gjitha të drejtat e lidhura dhe

/ ose të lidhura, përfshirë edhe ato fikse, shkarkime dhe të drejta ndërvepruese;

- q. **Partner:** çdo palë e pranuar nga FFK sipas kontratës përtë ushtruar të drejtat tregtare të garës, dhe që merr pjesë direkt ose indirekt në financimin e garës;
- r. **Zona teknike:** zona teknike siç përcaktohet në Ligjet e Lojës së IFAB që përfshin fushën e lojës, si dhe dhomat e zhveshjes së gjyqtarëve, tuneli i lojtarëve dhe rruga që lojtarët dhe gjyqtarët marrin nga dhomat e zhveshjes në fushë.

2.2 Në kontekstin e kësaj rregulloreje, çdo frazë e prezantuar nga termat “përfshirë”, “përfshijnë”, “në veçanti”, “për shembull” ose ndonjë shprehje e ngjashme është ilustruese dhe nuk kufizon kuptimin e fjalëve që u paraprijnë këtyre termave.

Neni 3 – Regjistrimi në Garë

3.1 Çdo klub i Superligës pjesëmarrës në Supeligën e FFK-së, është i obliguar të regjistroj dhe garoj me kategorinë U-21 në aktivitetet e organizuara nga FFK, i cili është kualifikuar në kategorinë përkatëse dhe duhet të regjistrohet në garë.

Neni 4 – Kriteret dhe procedurat e pranimit në garë

4.1 Për të marrë pjesë në garë, klubet anëtarë dhe/ose pjesëmarrës në aktivitetet e organizuara nga FFK duhet të përmbushin kriteret e mëposhtme:

- a. Të konfirmojnë me shkrim se ato vetë, lojtarët dhe zyrtarët e tyre do të njohin juridiksionin e organeve juridike të FFK duke përfshirë por pa u kufizuar me CAS, Komisionin e Disiplinor dhe i Etikes, Komisioni i Ankesave.

- b. Të konfirmojnë me shkrim se ato vetë, lojtarët dhe zyrtarët e tyre do të njohin juridiksionin e organeve juridike të FFK duke përfshirë por pa u kufizuar me CAS, Komisionin Disiplinor dhe i Etikes, Komisioni i Ankesave.
- c. Të konfirmojnë me shkrim se nuk janë të përfshirë direkt ose indirekt në veprimtari të cilat synojnë të influencojnë mbarëvajtjen apo rezultatin e një ndeshje futbolli në nivel kombëtar apo ndërkombëtar.
- d. Të informojnë me shkrim FFK lidhur me çdo procedim përpara organeve juridike të apo atyre shtetërore ku klubi apo lojtarët dhe/ose zyrtarët e tij janë palë ose kanë cilësinë e të pandehurit apo ndonjë cilësi tjetër procedurale.

Neni 6 – Detyrimet e klubeve

- 6.1 Me regjistrimin në garë, klubet pjesëmarrëse bien dakord që:
- a. Të marrin pjesë në Superligën U-21, duke rreshtuar lojtarët më të mirë në dispozicion përgjatë gjithë garës.
 - b. Të luajnë të gjitha ndeshjet në përputhje me këtë rregullore dhe me parimet e lojës së ndershme (fair play).
 - c. Të luajnë të gjitha ndeshjet nën drejtimin e një trajneri të pajisur me Licencën UEFA “B ose ne procedure të marrjes së licences B.
 - d. Të zbatojnë statutin dhe të gjitha rregulloret në fuqi.
 - e. Të zbatojnë vendimet e Komitetit Ekzekutiv të FFK, apo çdo organi tjetër të FFK që u komunikohet rregullisht (me publikim, shkresë apo e-mail).
 - f. Të bashkëpunojnë me FFK, dhe njëri tjetrin për mbarëvajtjen e aktivitetit sportiv duke mos dëmtuar interesat e përbashkëta.
 - g. Të mos përfaqësojë FFK në asnjë rrethanë pa pasur autorizimin përkatës me shkrim.
 - h. Të mos përhapin fakte të pavërteta, të mos fyejnë, shpifin

apo denigrojnë klubet e tjera pjesëmarrëse, lojtarët apo zyrtarët e tyre, si dhe të mos çënojnë interesat e FFK

- i. Të bashkëpunoj me FFK për të garantuar respektimin e protokoleve përkatëse lidhur me ceremonitë zyrtare të organizuara nga FFK.

6.2 Klubet janë të detyruara të përfshijnë në listën e stafit teknik deri në 9 (nëntë) zyrtarë gjithsej si më poshtë:

- a) Përfaqësuesi zyrtar i klubit
- b) Kryetrajneri
- c) Zv.Trajner
- d) Trajneri i Portierave
- e) Trajneri atletik
- f) Mjeku
- g) Fizioterapisti
- h) Drejtori Sportiv
- i) Ekonomi

6.3 Në rast të ndryshimeve të kryetrajnerit klubet kanë afat deri në 2 ndeshje radhazi për zëvendësimin e tij.

Neni 7 – Ndeshje miqësore

- 7.1 Asnjë klub nuk ka të drejtë të organizojë ndonjë ndeshje miqësore gjatë periudhës së sezonit futbollistik, në mënyrë të tillë që të ndikojë kalendarin e ndeshjeve të kampionatit.
- 7.2 Për çdo ndeshje miqësore që klubet do të organizojnë brenda ose jashtë vëndit janë të detyruara të paraqesin kërkesën pranë FFK-së.
- 7.3 Klubet që nuk do të zbatojnë këtë rregull do të jenë pjesë e Komisionit Disiplinor dhe të Etikës.

Neni 8 – Përgjegjësitë e klubeve pjesëmarrëse

- 8.1 Klubet pjesëmarrëse në garë janë përgjegjës për sjelljen e lojtarëve, zyrtarëve dhe spektatorëve të tyre si dhe të çdo personii cili kryen ndonjë funksion në emër e për llogari të klubit.
- 8.2 Klubi vendas është përgjegjës për rendin dhe sigurinë përpara, gjatë dhe pas ndeshjes duke mbajtur përgjegjësi.
- 8.3 Klubi vendas duhet të organizojë ndeshje në përputhje me instruksionet e FFK-së dhe në bashkëpunim me klubin mik duke qenë përgjegjës për marrjen e masave organizative.
- 8.4 Klubi VENDAS është përgjegjës TE SIGUROJ AUTOAMBULANCEN PARA FILIMIT TE NDESHJES.
- 8.5 Klubet pjesëmarrëse kanë përgjegjësinë për të mbrojtur interesat e FFK-së duke e përjashtuar nga çdo përgjegjësi dhe detyrim financiar, penal, administrativ i çdo natyre që mund të lind nga gara.

Neni 9 – Anti-Doping

- 9.1 Dopingi është i ndaluar dhe i dënueshëm. Në rast të shkeljes se rregullave anti-doping, FFK do të nisë INICIM TE PROCUDRES DISIPLINORE KUNDER SHKELESVE TE TE KETIJ NENI.
- 9.2 FFK apo ndonjë entitet i caktuar prej saj, mund të testojë një lojtar në çdo kohë.

Neni 10 – Fair Play

10.1 Të gjitha ndeshjet e Superligës U-21 duhet të luhen në përputhje me parimet e lojës së ndershme (fair-play).

Neni 12 - Trofetë dhe medaljet

12.1 Kupa origjinale e Superliga U-21 që përdoret në prezantimin zyrtar, është pronë e FFK-së. Kupa origjinale do t'i dorëzohet fituesit Superligës U-21.

12.2 Kupa origjinale e cila i dorëzohet fituesit, duhet të mbetet në posedimin e klubit në çdo kohë dhe nuk mund të zhvendoset nga selia e klubit pa lejen me shkrim të FFK-së. Klubet nuk duhet të lejojnë që trofeu të përdoret nga palë të treta, përfshirë edhe sponsorët e tyre, në kontekstin e një lidhje apo bashkëpunimi mes palës së tretë dhe trofeut dhe/ose garës përkatëse apo FFK.

12.3 Ekipi kampion Superliga U-21 do t'i dorëzohen përmes një ceremonie zyrtare:

- a. Kupa e Kampionit të Superliga U-21;
- b. 30 (tridhjetë) medalje;
- c. Një shpërblim qe caktohet nga KE;

12.4 Çdo herë që një klub shpallet Kampion në Superligën U-21, emri i tij do të shënohet në kupën origjinale.

Neni 13 – Pronësia industriale e intelektuale

- 13.1 FFK është pronare ekskluzive të gjitha e të drejtave industriale dhe intelektuale të garave të organizuara prej sajë duke përfshirë të drejtat aktuale e të ardhshme të transmetimit audio vizual, material të garës, emrat, logot, markat, muzika, maskotat, medaljet, pllakadat dhe trofetë. Çdo përdorim i të drejtave të sipër cituara bëhet vetëm me autorizimin e FFK-së.
- 13.2 Të gjitha të dhënat e kalendarit të ndeshjeve si dhe çdo statistikë apo e dhëne tjetër që lidhet me ndeshjet dhe garat, janë pronë ekskluzive e FFK-së. Asnjë bilete apo akreditim nuk mund të përdoret me qëllim, aksesimin në keto të dhëna e statistika. Ky kufizim, nuk prek klubet pjesëmarrëse në garë, të cilët grumbullojnë të dhëna me qëllim instruksionin sportiv të ekipeve të tyre.

Neni 14 – Zyrtarët e ndeshjes

- 14.1 FFK ka të drejtën të heqë nga lista emrin e çdo zyrtari ndeshje në çdo kohë gjatë zhvillimit të edicionit futbollistik.
- 14.2 FFK do të delegoj zyrtarët e ndeshjes të cilët do të jenë të caktuar në ndeshje zyrtare.
- 14.3 Pavarësisht zbatimit të pikës (14,2), këtu më sipër në këtë nen, FFK ka të drejtë të ndryshojë delegimin e zyrtarëve të ndeshjes.
- 14.4 Asnjë zyrtar ndeshje nuk duhet të ndërmarrë ndonjë veprimtari tjetër në ditën e ndeshjes pa njoftuar më parë FFK.
- 14.5 Shpenzimet e zyrtarëve e ndeshjeve të Superligës U-21, do të mbulohen nga FFK.

Neni 16 – Periudhat e transferimit

- 16.1 FFK përpara fillimit të sezonin futbollistik publikon periudhat e transferimit në sistemin TMS të FIFA-S.
- 16.2 Afatet kalimtare të lojtarëve janë 2 (dy).

Neni 17 - Pjesëmarrja në garat e UEFA-s

17.1 Pjesëmarrja e ekipeve në kompeticionet e Champions League dhe të Europa League do të bëhet në bazë të rregullores së UEFA-s.

I. FORMATI I GARËS

Neni 18 – Numri i ekipeve pjesëmarrëse në garë

18.1 Në Superligën U-21 marrin pjesë 10 (dhjetë) klube futbollit, anëtarë të FFK-së.

18.2 FFK shpall listën e klubeve pjesëmarrëse në Superligën U-21 për çdo sezon përmes shortit.

Neni 19 – Skema e shortit

Faza 1

Java 1	Java 2	Java 3	Java 4	Java 5
1 - 10	10 - 6	2 - 10	10 - 7	3 - 10
2 - 9	7 - 5	3 - 1	8 - 6	4 - 2
3 - 8	8 - 4	4 - 9	9 - 5	5 - 1
4 - 7	9 - 3	5 - 8	1 - 4	6 - 9
5 - 6	1 - 2	6 - 7	2 - 3	7 - 8

Java 6	Java 7	Java 8	Java 9
10 - 8	4 - 10	10 - 9	5 - 10
9 - 7	5 - 3	1 - 8	6 - 4
1 - 6	6 - 2	2 - 7	7 - 3
2 - 5	7 - 1	3 - 6	8 - 2
3 - 4	8 - 9	4 - 5	9 - 1

Faza 2

Java 10	Java 11	Java 12	Java 13	Java 14
10 - 1	6 - 10	10 - 2	7 - 10	10 - 3
9 - 2	5 - 7	1 - 3	6 - 8	2 - 4
8 - 3	4 - 8	9 - 4	5 - 9	1 - 5
7 - 4	3 - 9	8 - 5	4 - 1	9 - 6
6 - 5	2 - 1	7 - 6	3 - 2	8 - 7

Java 15	Java 16	Java 17	Java 18
8 - 10	10 - 4	9 - 10	10 - 5
7 - 9	3 - 5	8 - 1	4 - 6
6 - 1	2 - 6	7 - 2	3 - 7
5 - 2	1 - 7	6 - 3	2 - 8
4 - 3	9 - 8	5 - 4	1 - 9

Neni 20 – Fazat e garës

20.1 Pas përfundimit të fazës së dytë të kampionatit, ekipet e renditura sipas klasifikimit do të zhvillojnë ndeshjet e fazës së tretë bazuar në skemën e mëposhtme:

Java 19	Java 20	Java 21	Java 22	Java 23	Java 24	Java 25	Java 26	Java 27
1 - 10	10 - 6	2 - 10	10 - 7	3 - 10	10 - 8	4 - 10	10 - 9	5 - 10
2 - 9	7 - 5	3 - 1	8 - 6	4 - 2	9 - 7	5 - 3	1 - 8	6 - 4
3 - 8	8 - 4	4 - 9	9 - 5	5 - 1	1 - 6	6 - 2	2 - 7	7 - 3
4 - 7	9 - 3	5 - 8	1 - 4	6 - 9	2 - 5	7 - 1	3 - 6	8 - 2
5 - 6	1 - 2	6 - 7	2 - 3	7 - 8	3 - 4	8 - 9	4 - 5	9 - 1

Neni 21 – Klasifikimi

21.1 Pas javës së 27, katër (4), ekipet e para, zhvillojnë ndeshje në mes veti final four.

Java 28 Java 29 Java 30

1-4 3-1 1-2

2-3 4-2 3-4

21.2 Të katër ekipet e nisnin Final Four me 0 (zero) pikë.

Neni 22 – Fituesi i “ Superliga U-21”

22.1 Fituesi përcaktohet me Final Four, por nëse dy e me shumë ekipe kanë pikë të njëjta atëherë fituesi përcaktohet sipas radhitjes përfundimtare sipas tabelës së javës 27.

22.2 Të katër ekipet e nisnin Final Four me 0 (zero) pikë.

Neni 23 – Rënia nga kampionati i Superliga U-21.

23.1 Nga Superliga U-21, do të bien dy ose tri skuadra varesisht sa humbin statusin e Superligës.

II. KALENDARI I GARËS

Neni 24 – Datat dhe oraret e ndeshjeve

24.1 Datat dhe oraret e zhvillimit të ndeshjeve do të përcaktohen nga FFK përpara fillimit të sezonit përkatës. Kalendar i ndeshjeve shpallet jo më vonë se 15 (pesëmbëdhjetë) ditë përpara fillimit të ndeshjes së parë zyrtare të sezonit dhe është i detyrueshëm për t`u zbatuar.

Neni 25 – Ndryshimi i datës dhe orës së ndeshjeve

25.1 FFK ka të drejtë të ndryshojë datën dhe/ose orën e përcaktuar për zhvillimin e një ndeshje.

Neni 26 – Mbërritja e skuadrave

26.1 Skuadrat pjesëmarrëse duhet të paraqiten në stadiumin ku është parashikuar për t`u zhvilluar ndeshja të paktën 90 (nëntëdhjetë) minuta përpara orarit të përcaktuar për fillimin e ndeshjes.

Neni 27 – Shtyrja e ndeshjes

27.1 Nëse për shkaqe objektive zhvillimi i një ndeshje vihet në dyshim, ekipi vendas duhet menjëherë të njoftojë FFK. Kjo e fundit, vendos nëse ndeshja duhet të zhvillohet sipas parashikimit apo duhen bërë ndryshime në datën, orën apo vendin. Këto vendime janë të formës së prerë.

Neni 29 – Refuzimi për të luajtur dhe situata të ngjashme

- 29.1 Nëse një klub refuzon të luajë, nuk paraqitet në stadium ose është përgjegjës për mos zhvillimin e një ndeshje plotësisht apo pjesërisht, në Kampionatin e Superligës U-21, Komisioni Organizativ i Garave, përveq inicimeve, do të shpallë ndeshjen të humbur në tavolinë. Nëse refuzimi apo mos paraqitja ndodh në më shumë se 1 (një) ndeshje gjatë një edicioni, klubi përgjegjës do të përjashtohet nga gara.
- 29.2 Nëse një klub përjashtohet për ndonjë arsye apo tërhiqet nga gara për Kampionatin e Superligës U-21 do të veprohet si më poshtë:
- a. Nëse përjashtimi ose tërheqja ndodh kur ekipi ka kryer më pak se 50% të ndeshjeve të planifikuara, do të shpallen të pavlefshme të gjitha pikët që ekipet e tjera kanë marrë në takimet direkte me të.
 - b. Nëse përjashtimi ose tërheqja ndodh kur ekipi ka kryer 50% +1 ndeshje, pikët e grumbulluara gjatë ndeshjeve të zhvilluara, mbeten në fuqi. Ndeshjet e planifikuara për t'u zhvilluar sipas kalendarit në vazhdim do të jepen në tavolinë me rezultatin 3-0.
- 29.3 Në çdo rast klubet që tërhiqen nga gara, humbasin çdo të drejtë për kompensim financiar nga FFK.

III. ORGANIZIMI I NDESHJEVE

Neni 36 – Pajisjet e ndeshjes

36.1 Në të gjitha aktivitetet e FFK-së përdoret vetëm topi zyrtar i licencuar nga FFK, në përputhje me Ligjet e Lojës së IFAB.

IV. PROCEDURAT E NDESHJEVE

Neni 39 – Protokoli i ekipeve

39.1 Të paktën 60 minuta përpara ndeshjes, secili ekip duhet të evidentojë në protokolin zyrtar të ndeshjes përkatës numrin e fanellës, emrin dhe mbiemrin për 21 lojtarë si dhe emrat, mbiemrat dhe detyrat për 9 zyrtar që do të qëndrojnë në stolin e rezervave. Protokoli duhet të përmbajë gjithashtu informacionin e nevojshëm për ngjyrat e fanellave të secilit ekip.

39.2 11 (njëmbëdhjetë), lojtarët e evidentuar në protokolin e ekipit duhet të fillojnë ndeshjen si titullar. Lojtarët e tjerë evidentohen si zëvendësues. Numrat në fanelat e lojtarëve duhet të përputhen me numrin në protokolin zyrtar të ndeshjes, kapiteni duhet të identifikohet.

39.3 Vetëm 5 (pesë) nga lojtarët e evidentuar si zëvendësues mund të luajnë. Një lojtar i cili është zëvendësuar nuk mund të luajë.

39.4 Pas dorëzimit të protokolit dhe përpara fillimit të lojës, ekipet nuk mund të kryejnë zëvendësime me përjashtim të rasteve të mëposhtme:

- a. Nëse ndonjë nga 11 lojtarët e evidentuar në protokol si titullar e ka të pamundur të luajë për shkak të gjendjes së papërshtatshme fizike, ai mund të zëvendësohet nga njëri prej lojtarëve të listuar si zëvendësues në formularin e

ekipit. Gjatë ndeshjes, mund të kryhen 5 zëvendësime në përputhje me rregullat e lojës së IFAB.

Në çdo rast ekipi përkatës duhet t'i paraqesë Delegatit të FFK-së, certifikatat mjekësore të nevojshme.

Neni 40 – Aspekte protokollare të ndeshjes

- 40.1 Emërtimi Superliga U-21 si dhe stema e përkatëse duhet të vendoset në qendër të paneleve apo sistemit të reklamave, në linjën përgjatë fushës, përballë me tribunën kryesore ose pozicionet e prodhimit televiziv.
- 40.2 Flamuri i FFK duhet të vendoset në stadium në çdo ndeshje zyrtare. Ai u dorëzohet klubeve nga administrata e FFK-së.
- 40.3 Të dy ekipet duhet të paraqiten në stadiumin përkatës 90 minuta përpara fillimit të lojës.
- 40.4 Në çdo ndeshje, lojtarët janë të ftuar t'u japin dorën kundërshtarëve dhe ekipit të arbitrave gjatë ceremonisë së rreshtimit në shenjë fair-play.
- 40.5 FFK rezervon të drejtën për të vendosur materiale promocionale për të zhvilluar imazhin e garës.
- 40.6 Klubet duhet të njoftojnë paraprakisht me shkrim FFK-në të paktën 24 orë përpara fillimit të ndeshjes lidhur me çdo ceremoni apo aktivitet, të tilla si veshja e bluzave me mesazhe sensibilizuese, mbajtja e një minute heshtje, shpалosja e parullave të caktuara nga tifozeria etj. FFK rezervon të drejtën të miratojë ose jo, kërkesat e klubeve.

Neni 41 – Zona teknike dhe banka e rezervave

- 41.1 Në bankën e rezervave mund të qëndrojnë vetëm 10 (dhjetë) lojtarë të evidentuar si zëvendësues dhe 9 (nëntë) zyrtarë të ekipit. Emrat e personave dhe funksionet e tyre duhet të

evidentohen në protokolin e ndeshjes.

- 41.2 Gjatë ndeshjes, lojtarët zëvendësues lejohen të largohen nga zona teknike për të kryer nxemjen. Gjyqtari vendos vendin se ku ata mund të kryejnë nxemjen dhe numrin e zëvendësuesve që mund të kryejnë nxemjen njëkohësisht.
- 41.3 Tymosja e duhanit nuk lejohet në zonën teknike përgjatë ndeshjes.
- 41.4 Përdorimi i pajisjeve të telekomunikacionit rregullohet në përputhje me rregullat e lojës së IFAB.
- 41.5 Përveç se kur vendoset ndryshe nga FFK, si rregull i përgjithshëm, ekipi vendas do të qëndrojë në bankën e rezervave i cili ndodhet në krahun e majtë të fushës së lojës ndërsa ekipi mysafir do të qëndrojë në bankën e rezervave i cili ndodhet në krahun e djathtë të fushës së lojës.

V. REGJISTRIMI I LOJTARËVE DHE ZYRTARËVE

Neni 42 – Kriteret për regjistrimin e lojtarëve

- 42.1 Për të luajtur në ndeshje zyrtare, lojtari duhet të jetë i regjistruar pranë FFK ose ndonjë federate tjetër anëtare të FIFA-s në përputhje me Rregulloren për Statusin dhe Transferimin e Lojtarëve të FFK.
- 42.2 Çdo lojtar pjesëmarrës në ndeshje zyrtare duhet të jetë i pajisur me ID kartelen e lëshuar nga FFK si dhe dokument të vlefshëm identifikimi si letërnjoftim ID ose Pasaportë. Delegati i ndeshjes ka të drejte t'i kërkojë lojtarit dokumentin e identifikimit.
- 42.3 Të gjithë lojtarët duhet t'i nënshtrohen ekzaminimeve mjekësore.
- 42.4 Klubet janë përgjegjëse për pasojat ligjore dhe disiplinore që mund të vijnë nga aktivizimi i lojtarëve të paregjistruar.
- 42.5 Komisioni kompetent i FFK-se, vendos lidhur me çështjet e regjistrimit dhe statusin e lojtareve

Neni 43 – Lista e lojtarëve

- 43.1 Klubet janë përgjegjës për dorëzimin në FFK, të listës së lojtarëve të ekipit U 21. Këto lista duhet të përmbajnë të dhënat për emrin, mbiemrin, datëlindjen, numrin e fanellës, kombësinë dhe shtetësinë e të gjithë lojtarëve që do të aktivizohennë garë bashkë me emrin e mbiemrin e trajnerit të parë. Listat duhet të shoqërohen me konfirmimin nga mjeku i ekipit se të gjithë lojtarët kanë kryer ekzaminimet mjekësore të nevojshme. Mjekësia Sportive mban përgjegjësi për garantimin e kryerjes së ekzaminimeve nga lojtarët e klubeve.

Neni 44 – Aktivizimi i lojtarëve

- 44.1 Gjatë një ndeshje zyrtare nuk mund të aktivizohen njëkohësisht në fushën e lojës më shumë se 5 (pesë) lojtarë të huaj.

- 44.2 Me lojtar të huaj do të kuptohet një lojtar i cili ka shtetësi të ndryshme përveç asaj të Republikës së Kosovës, Republikës së Shqipërisë.
- 44.3 Në kampionatin e Superligës U-21 klubet kanë të drejtë të regjistrojnë lojtarë me datëlindje nga 01.01.2003.
- 44.4 Lojtari i cili nuk ka mbushur moshën 16 (gjashtëmbëdhjetë) vjeç, nuk lejohet të luajë me ekipin e parë të asnjë klubi pjesëmarrës në kampionatet ose garat e organizuara nga FFK.
- 44.5 Një lojtar gjatë edicionit futbollistik mund të regjistrohet dhe aktivizohet deri në 2 (dy) klube.
-
- 44.6 Lojtarët e ekipeve të moshave, që janë të regjistruar në FFK, kanë të drejtë të aktivizohen me të rriturit e klubit të tyre si dhe me ekipin U-21.
- 44.7 Lojtarët e regjistruar (licencuar) me ekipet e moshave të një klubi të cilët aktivizohen në fushën e lojës në ndeshjet e Kampionatit përkatës, kanë të drejtë aktivizimi në ekipin e të rriturve vetëm pas 48 orëve nga ndeshja e fundit.
- 44.8 Në rastet kur një lojtar i ekipit të moshave U-17 dhe U-19 është i pezulluar për një ndeshje si pasojë e 4 (katër) kartonave të verdhë në Kampionatin ku luan, ka të drejtë të luajë me ekipin Superliga U-21.
- 44.9 Lojtari që aktivizohet në kampionatin e moshave, kur ka masa disiplinore nuk ka të drejtë të aktivizohet me ekipin e të rriturve derisa të shlyej masën disiplinore.
- 44.10 3 (tre) lojtarë të regjistruar me ekipin e Parë të një klubi të cilët aktivizohen në fushën e lojës në ndeshjet e Kampionatit përkatës pavarësisht moshës më të madhe, kanë të drejtë aktivizimi në ekipin U-21 vetëm pas 48 orëve nga ndeshja e fundit.

VI. ÇËSHTJE DISIPLINORE

Neni 46 – Rregullorja Disiplinore

46.1 Rregullorja Disiplinore e FFK-së aplikohet për të gjitha shkeljet disiplinore të kryera nga klubet, zyrtarët, lojtarët apo çdo individ që ushtron një funksion gjatë një ndeshje në emër të klubit përkatës.

Neni 47 – Kartonat

47.1 Si rregull, lojtari i cili largohet nga fusha e lojës me masë ndëshkimore nuk luan në ndeshjen e radhës të së njëjtës garë. Në rast të shkeljeve më të rënda, Komisioni i Disiplinor dhe i Etikës pranë FFK-së ka të drejtë të ndërmarrë masa në përputhje me Rregulloren Disiplinore.

47.2 Lojtari ose zyrtari i cili gjatë garës merr 4 (katër) karton të verdhë, nuk mund të luajë ose të qëndrojë në pankinë në ndeshjen e radhës të së njëjtës garë.

47.3 Kur lojtari i cili ka plotësuar numrin e 4 (katër) kartonave të verdhë dhe njëkohesisht është dënuar me masë disiplinore nga Komisioni Disiplinor dhe i Etikës, fillimisht do të shlyej dënimin e kartonave të verdhë dhe më pas pezullimin nga vendimet e Komisioneve Disiplinor dhe të Etikës.

- 47.4 Kur lojtari ka një ose dy karton të verdhë dhe pastaj merr direkt karton të kuq, kryerja e dënimit për karton të verdhë, nuk eliminon kartonin e verdhë.
- 47.5 Kur lojtari merr një katron të kuq (i verdhë, i verdhë - i kuq), nuk luan në ndeshjen e radhës.
- 47.6 Kur lojtari merr një karton të kuq direkt në Superligën U -21, nuk ka të drejtë lojë në asnjë rang garash deri e shlyerjen e dënimit.
- 47.7 Kur lojtari pezullohet me masë disiplinore, pezullimi bartet edhe për edicionin e ardhshëm.
- 47.8 Kartonat e verdhë të akumuluar në Kampionatin Superliga U-21 nuk do të mbarten në ndeshjet nëse aplikohet (final four).
-
-

Neni 48 - Lojtarët, trajnerët dhe zyrtarët e pezulluar

- 48.1 Lojtarët, trajnerët ose zyrtarët të cilët janë sanksionuar me pezullim nga ndeshjet zyrtare, ose me përjashtim nga pjesëmarrja në garë, janë rreptësisht të ndaluar të marrin pjesë në ndonjë ndeshje zyrtare gjatë gjithë kohëzgjatjes së zbatimit të sanksionit përkatës, përfshirë këtu:
- a) janë rreptësisht të ndaluar të hyjnë ose të qëndrojnë në në fushën e lojës, dhe në stolin e rezervave;
- 48.2 Lojtarët, trajnerët ose zyrtarët të cilët shkelin përcaktimet në paragrafin (1), do të sanksionohen:
- kartoni i kuq pas dy te verdheve 50 (pesëdhjetë) euro ,
 - katron i kuq direkt 100 (njëqind) euro

VII. FANELAT E LOJËS

Neni 50 – Aprovimi i uniformave

- 50.1 Me përjashtim ku parashikohet ndryshe, për këtë rregullore gjejnë zbatim parashikimet e UEFA Kit/Equipment Regulations.
- 50.2 Çdo klub duhet të depozitojë në FFK formularin e aprovimit të fanelave bashkë me formularin e regjistrimit në garë përpara fillimit të sezonit përkatës. Fanelat duhet të jenë tre, të ndryshme për ndeshjet si vendas dhe ato si mysafir.

Neni 51 – Ngjyrat

- 51.1 Për të gjitha ndeshjet zyrtare, klubi vendas ka të drejtën e zgjedhjes së fanela me të cilën do të luajë ndeshjet vendas.
- 51.2 Në çdo rast kur gjyqtari i ndeshjes verën se ngjyrat e fanelave të dy ekipeve janë të ngjashme dhe mund të krijojnë konfuzion, ai vendos duke u konsultuar me delegatin e FFK-së. Si rregull, në këto raste ekipi mysafir duhet të ndryshojë fanelat për arsye praktike.
-

Neni 53 – Sponsorët në fanellë

- 53.1 Vetëm sponsorët e aprovuar nga FFK, mund të vendosen në fanellën e lojës.
- 53.2 Klubet mund të ndryshojnë sponsorët në fanellë gjatë sezonit vetëm një herë gjatë një sezoni.
- 53.3 Fillimi i sezonit pa një sponsor në fanellë nuk konsiderohet ndryshim.
- 53.4 Ndryshimi i përmbajtjes (formës/logos) ndonëse sponsorin është i njëjtë do të konsiderohet ndryshim.
- 53.5 Klubet të cilat kërkojnë të ndryshojnë sponsorin në fanellë duhet të deponojnë në FFK kërkesën të paktën 7 (shtatë) ditë përpara ndeshjes gjatë të cilës dëshirojnë të shfaqin sponsorin e ri.
- 53.6 Parashikimet e këtij neni vlejnë edhe për sponsorët ose reklamat në fanellat e stërvitjes.

Neni 54 – Stemat

- 54.1 Përgjatë gjithë ndeshjeve zyrtare, stema e Superliga U-21 duhet të shfaqet në mëngën e djathtë të fanellës së lojës.

Neni 55 – Taksat dhe Meditjet per zyrtaret e ndeshjes Superliga U 21

55.1

Nr.	Pozita	Shuma
1	Delegati i ndeshjes	80.00 €
2	Gjyqtari kryesorë	100.00 €
3	Asistenti i parë	80.00 €
4	Asistenti i dytë	80.00 €

VIII. ÇËSHTJE FINANCIARE

Neni 56 – Detyrimet financiare për pjesëmarrje në garë

56.1 Klubet pjesëmarrëse në Kampionatin Superligës U-21, detyrohet të paguajë detyrimet e mëposhtme financiare:

- a. 50 (pesëdhjetë) euro, për dy karton te verdhe- i kuqi;
- b. 100 (njëqind) euro, per direkt karton të kuq.

IX. SHFRYTËZIMI I TË DREJTAVE TREGTARE

Neni 59 – Hyrje

59.1 Nga pikëpamja e marketingut, është detyra e FFK, të përmbushë qëllimin statutor për zhvillimin e futbollit në Kosovë, duke forcuar pozicionin e këtij sporti në shoqëri. Mundësitë tregtare dhe financiare përdoren në dobi të zhvillimit afat gjatë të futbollit duke respektuar rregullat e tregut.

Neni 60 – Të drejtat tregtare

60.1 FFK është pronare ekskluzive dhe përfituese e të gjitha të drejtave tregtare. Në përputhje me statutin, FFK rezervon çdo të drejtë tregtare dhe industriale për të shfrytëzuar dhe shpërndarë të ardhurat prej shfrytëzimit të këtyre të drejtave.

60.2 Shfrytëzimi i të drejtave tregtare të garës:

- a. Të drejtat lidhur me median
 - Të gjitha të drejtat e lidhura me median mbi garat e organizuara nga FFK shfrytëzohen nga FFK.
- b. Të drejta të tjera tregtare- sponsori i ligës

- FFK gëzon të drejtën ekskluzive për të shfrytëzuar të gjitha të drejtat e tjera tregtare dhe për të bashkëpunuar me partner/sponsor përgjatë garës. Partnerët apo sponsorët mund të kenë të drejtë ekskluzive për të shfrytëzuar të drejta të caktuara. Klubet obligohen të ndjekin në përpikmëri manualin e marketingut dhe çdo mos-përmbushje e detyrimeve nga ana e tyre do të sanksionohet nga Komisioni Disiplinor dhe i Etikës.
- c. Të drejtat e klubeve pjesëmarrëse në garës:
- Klubet mund të shfrytëzojnë disa të drejta mediatike në përputhje me këtë rregullore.
 - Klubet gëzojnë të drejtën për të shfrytëzuar fragmente (highlights) nga ndeshjet e tyre të cilat vendosen në dispozicion nga FFK ose të prodhojnë fragmentet në ndeshjet e tyre (me maksimumi një kamera dhe pas aprovimit me shkrim të FFK) për ta përdorur për qëllimet e tyre si analiza stërvitore etj.
- d. Të drejtat mbi të dhënat statistikore
- FFK mund të shfrytëzojë të dhënat statistikore të garës, përfshirë të gjitha ndeshjet dhe të autorizojë palëtë treta për këtë qëllim.
 - Klubet mund të përpilojnë të dhëna statistikore për ndeshjet e tyre në garë për t'i përdorur për qëllimet e tyre duke pasur të drejtën t'i publikojnë këto të dhëna.
 - Klubet duhet të garantojnë se të dhënat statistikore nuk do të shiten dhe se asnjë palë e tretë nuk mund të asociohet me garën e organizuar nga FFK.

Neni 61 – Të drejtat tregtare të Superligës U-21

61.1 Partnerët dhe/ose sponsorët e FFK-së dhe/ose klubeve pjesëmarrëse gëzojnë të drejtën ekskluzive për të shfrytëzuar nga ana tregtare dhe promocionale garën Superligës U-21. Të gjitha emrat, termat, simblet, logot, maskotat dhe/ose format e tjera artistike, grafike e muzikore lidhur me garën mund të përdoren

vetëm nga partnerët dhe/ose sponsorët për qëllimet e tyre tregtare me aprovimin e FFK-së.

61.2 Klubet pjesëmarrëse në garën e Superliga U-21, marrin përsipër të garantojnë suportin maksimal për FFK, në mënyrë që të implementohen të drejtat tregtare të parashikuara në këtë rregullore.

Klubet pjesëmarrëse në garën e Superligës U-21, duhet të bëjnë të gjitha përpjekjet e arsyeshme për të mbrojtur imazhine garës duke penguar dhe ndaluar çdo veprim që cënon vlerën tregtare të aktivitetit, FFK-së, anëtarëve të sajë dhe partnerëve apo sponsorëve.

- Klubet gëzojnë të drejtën për të shfrytëzuar fragmente (highlights) nga ndeshjet e tyre të cilat vendosen në dispozicion nga FFK ose të prodhojnë fragmentet në ndeshjet e tyre (me maksimumi një kamera dhepas aproimit me shkrim te FFK) për ta përdorur për qëllimet e tyre si analiza stërvitore etj.
- e. Të drejtat mbi të dhënat statistikore
- FFK mund të shfrytëzojë të dhënat statistikore të garës, përfshirë të gjitha ndeshjet dhe të autorizojë palëtë treta për këtë qellim.
 - Klubet mund të përpilojnë të dhëna statistikore për ndeshjet e tyre në garë për t'i përdorur për qëllimet e tyre duke pasur të drejtën t'i publikojnë këto të dhëna.
 - Klubet duhet të garantojnë se të dhënat statistikore nuk do të shiten dhe se asnjë palë e tretë nuk mund të asociohet me garën e organizuar nga FFK.

Neni 62 – Liçensimi dhe tregtimi i produkteve

- 62.1 FFK gëzon të drejtën e zhvillimit, prodhimit dhe tregtimit të produkteve që lidhen me garat e organizuara prej sajë të tilla si, por pa u kufizuar me maskota, kupa si dhe çdo produkt promociional që mbart pronësinë industriale të FFK-së në bazë të ligjeve në fuqi.
- 62.2 Klubet pjesëmarrëse autorizojnë FFK të përdorë materiale fotografike, audio-vizuale të skuadrës, lojtarëve, zyrtarëve (përfshirë emrat, mbiemra, statistikat dhe fanellat e lojës) pa pagesë për gjithë kohëzgjatjen e garës me qëllim kryerjen e aktiviteteve promociionale.

X. MARRËDHËNIET ME MEDIAT

Neni 63 – Përgjegjësitë lidhur me çështjet e medias

- 63.1 Çdo klub duhet të emërojë një person përgjegjës për median i cili të koordinojë bashkëpunimin mes Klubit, FFK-së dhe medias. Përgjegjësi i medias duhet të sigurojë se ambientet e medias të jenë në gjendje pune dhe konform rregullores së infrastrukturës si dhe të koordinojë të gjithë aktivitetet e lidhura me ndeshjen nga pikëpamja mediatike.
- 63.2 Përpara fillimit të çdo sezoni, klubet duhet t'i vendosin në

disipozicion FFK-së të dhënat dhe fotografitë e lojtarëve dhe trajnerit kryesor si dhe fotografi historike të stadiumeve apo të dhëna të tjera për qëllime promocionale.

Neni 66 – Aksesi i mediave

- 66.1 Dhomat e zhveshjes nuk mund të aksesohen nga media, me përjashtim kur klubi dhe FFK dakordësojnë ndryshe.
- 66.2 Asnjë përfaqësues i medias nuk lejohet të hyjë në fushën e lojës përpara, gjatë dhe pas ndeshjes me përjashtim të ekipit të kameramanëve gjatë rreshtimit të ekipeve.
- 66.3 Të gjithë përfaqësuesit e medias, përfshirë fotografët, gazetarët, kameramanët etj duhet detyrimisht të jenë të pajisur me akreditimin përkatës për të hyrë në stadium.

Neni 67 – Hapësirat e punës për mediat

- 67.1 Klubet duhet të vendosin në dispozicion një hapësirë të posaçme punë për përfaqësuesit e akredituar të medias në përputhje me rregulloren e infrastrukturës së FFK-së.

Neni 68 – Hapësirat e punës për transmetuesit audio vizual

- 68.1 Klubet duhet të krijojnë infrastrukturën e nevojshme për transmetuesit audio vizual të garës duke përfshirë asistencën teknike, energjinë elektrike, pozicionet e vendosjes së kamerave.

XI. DISPOZITA PËRFUNDIMTARE

Neni 69 – Zbatimi i rregullores

- 69.1 Komisionet e FFK janë përgjegjëse për administrimin e garave dhe ka të drejtë të marrë vendimet e nevojshme për zbatimin e rregulloreve në fuqi.

Neni 70 – Raste të pa parashikuara

70.1 Çështje të cilat nuk janë parashikuar në këtë rregullore, janë të parapara dhe të rregulluara me propozicionet e garave, rregulloren e garave dhe rregulloren disiplinore dhe me aktet tjera normative të FFK-së.

70.2 Çështje të tilla si forca madhore, do të vendosen nga Komiteti Ekzekutiv i FFK-së. Kur kjo nuk është e mundur për shkak të pengesave kohore(urgjente), çështjet do të vendosen nga Presidenti i FFK-së, ose në mungesë të tij nga Sekretari i Përgjithshëm. Këto vendime janë të formës së prerë.

Neni 71 – Mos respektimi i rregullores

71.1 Mos respektimi i rregullores sjell si pasojë marrjen e masave disiplinore në përputhje me Rregulloren Disiplinore të FFK-së.

Neni 72 – Miratimi dhe hyrja në fuqi

72.1 Kjo rregullore u miratua nga Komiteti Ekzekutiv i FFK-së në mbledhjen e datës 4 Korrik 2023, dhe hyn në fuqi menjëherë.

Prishtinë, 04 Korrik 2023

**Kryetari i Komitetit
Ekzekutiv të FFK-së,**

Agim Ademi